



# MANDATUM RECTORIS.



OS GUIDO-ANTONIUS FOURNEAU,  
RECTOR Universi Studii Parisiensis, omnibus  
Gymnasiarchis, Professoribus, & Scholaribus  
Academicis, SALUTEM.

NOTUM facimus, hoc Junio mense commissum iri Scholasticas Concerrationes, de Præmiis Academicis ab ipsâ Universitate solemniter distribuendis, ex institutione V. Clarissimi D. LE GENDRE, Ecclesiæ Parisiensis Canonici & Succentoris; quam novâ nuper accessione adauxit Vir de re Literariâ præclarè meritus, M. CAROLUS COFFIN, antiquus Academiæ nostræ Rector, Collegii Dormano-Bellovacii Primarius. Ad eas autem Concertationes admittetur nemo, nisi qui saltem ab ipso sacrae Quadragesimæ initio in aliquo Academiæ nostræ Collegio Lectiones publicas exceperit. Eam in rem singuli tùm Rhetoricæ, tùm Secundi, tùm Tertii Ordinis Professores, seligent ex Discipulis suis optimos, id est, qui in eo scribendi genere, quo certandum erit, ad sextum saltem Ordinis sui locum hoc ipso anno pervenerint in Rhetoricâ; in Secundâ verò ac Tertiâ Scholâ, qui quartum ad



minimum fuerint affecuti. Horum nomina in schedulâ describent, eamque à se subsignatam biduo ante singulos dies Con-  
certationibus assignatos ad Nos deferri curabunt. Quorum  
quidem dierum hic erit ordo :

### M E N S E J U N I O.

RHETORES.	{	Die Jovis	14	Orationem Græcam in Gallicam vertent.
		Veneris	22	Carmen Latinè scribent.
		Mercurii	27	Orationem scribent Gallicè.
SECUNDANI.	{	Veneris	15	Orationem Græcam in Gallicam vertent.
		Lunæ	25	Latinam in Gallicam vertent.
		Sabbati	30	Carmen Latinè scribent.
TERTIANI.	{	Sabbati	16	Græcam Orationem in Gallicam vertent.
		Martis	26	Latinam vertent in Gallicam.

### M E N S E J U L I O.

RHETORES.	§	Martis	3	Orationem scribent Latinè.
SECUNDANI.	§	Mercurii	4	Orationem Gallicam in Latinam vertent.
TERTIANI.	§	Lunæ	2	Gallicam in Latinam vertent.

His diebus Academici Iuvenes à Professoribus suis, ut supra dictum est, designati, horâ ipsâ septimâ matutinâ, apud Ma-  
thurinenses aderunt. Ibi postquam omnes simul Sacris inter-  
fuerint, in Literarii certaminis locum à selectis Magistris,  
nostro & Universitatis nomine delegatis, deducuntur.

ITA de Consilii nostri sententiâ ediximus in Ædibus nostris  
GRASSINÆIS, die Sabbati secundo mensis Junii, anno Domini  
millesimo septingentesimo quinquagesimo-tertio.